


Xojon carta xi kiskii íjtòn San Juan

Jesús, jè 'Én xi síkíjnakon iníma-ná

1 ¹Jè Jesús, jè 'Én xi síkíjnakon-ná xi tíjna skanda tisa tàts'en-là kjoa. Tanga i'ndeí, jyeé kina'yà-lajen, kò xkoón ki'ya-najen, kichitsejèn-lajen kó kji, tikoáá ndsaá kinìko-najen. ²Jè 'Én jè, ki'ya tsejeén-là. Kò ki'ya-nájjen. Kò nguì kjoa kixi-né xi bènojmi-jen xi it'aà ts'e. Kò tikoáá bènojmiya-nòjen jè 'Én xi síkíjnakon iníma-ná nita kjé-ne. Jè 'Én jè, k'e nga tisa íjtòn, yaá tíjnat'aà-là Nainá. Tanga i'ndeí, jyeé tsatsejèn-najen. ³Bènojmi-najen kjoa xi ki'ya-jen kò xi kina'yà-jen, mé-ne jñá, k'oa tis'ín ngàsòn kitsajnaakoáá, koni s'ín ndaà titsajnaakoáá Nainá xi Na'én-ná ma, kò Ki'ndí-là xi Jesucristo. ⁴Koií xá titsachjiì-nòjen Xojon jè mé-ne nga nguì kò kjotsja kàtasakó kjit'aà-là iníma-ná.

Jè Nainá kjoa iseèn-né

⁵K'oaá s'ín tjín jñà 'én xi tsakóya-najen Jesucristo, kò koií-né xi nokjoàyajii-nòjen: Jè Nainá, kjoa iseèn-né. Xi it'aà ts'e, tsjìn xi kjoa jñò. ⁶Tsà kixoán nga ndaà titsajnaakoáá Nainá, tanga tsà yaá tisanijchá yijo-ná ya ñánda jñò choòn, ñánda



Jngòè ni'ín xi síhiseèn

tjín kjoach'o, 'én ndisoó titsanokjoá; mitsà kjoa kixi xi títsa'né. ⁷Tanga tsà ya títsajnaá ñánda iseèn choòn, koni jè Nainá yaá tíjna ñánda iseèn choòn, ndaá títsajnaakoá xinguiáá, kò jè jní-là Jesucristo xi Ki'ndí-là Nainá ma, sítsjeè yijeé jñà jé xi tjín-ná.

⁸Tsà kixoán: “Tsjin-na jé”, tjíñá títachonachan-lá yijo-ná; mitsà kjoa kixi xi títsanokjoá. ⁹Tanga tsà kénojmi yije-lá Nainá jñà jé xi tjín-ná, komaá jè kjót'aàtakoán nga síjchàat'aà-ná jé-ná tikoáá sítsjeèya-ná ngats'iì kjoa xi ch'o 'né. Nga jè Nainá síkitasòn 'én-là, kò nguì kjoa kixi xi s'ín. ¹⁰Tanga tsà kixoán: “Kj'eè tsà jé otsjiá”, jè Nainá ndisoó títanachrjekànguiaá, kò mitsà kixi kjoa nga mokjeín-ná jè 'én-là.

Yá xitá xi chjatjì-ná ya nguixkon Nainá

2 ¹Jñò xi koni tsà ndí ixti-na xan-nò, koií xá tikjì-nò Xojon jè, mé-ne nga mì tì jé kinchátsji-lá yijo-nò. Tanga tsà tjín jngod xitá xi tíhótsji jé-là yijo-là, jè Nainá síjchàat'aà-là, nga tíjna jngod-ná xitá xi chjatjì-ná ya nguixkon Nainá, jè xi 'mì Jesucristo xi nguì xitá kixi. ²Jesucristo kitsjaà kjotjò yijo-la nga k'en ngajo-ná, mé-ne koma síjchàat'aà-ná jñà jé-ná, tanga mitsà tà jñá xi síjchàat'aà-ná; tikoáá síjchàat'aà yijeé-là ngats'iì xitá xi tjín nga tíjtsa isò'nde.

³Tsà ndaà síkitasoán kjotíxoma-là, maá kíjngod-lá takoán nga jyeé ndaá yaxkoaán. ⁴Tsà tjín xitá xi tsò: “'An, jyeé ndaà bexkoan Nainá”, tanga tsà mìkiì ndaà síkitasòn kjotíxoma-là, xitá ndiso-né; tsjin-là kjoa kixi. ⁵Tanga tsà ndaà níkitasoán koni tsò 'én-là, jyeé 'ñó ndaà tjín-ná kjotsjacha-là Nainá kò k'oaá s'ín ma-ne nga 'ya-là nga kixi kjoa nga jè Cristo títsajnaakoá. ⁶Jè xitá xi tsò nga ya tíjnako Cristo, mochjeén-né nga k'oas'ín kátasjchá yijo-là koni s'ín kis'iin Jesucristo.

Kjotíxoma xitse

⁷Jñò ndí 'ndsè, jè kjotíxoma xi tikjì-nò, mitsà nguì kjotíxoma xitse; tijè-ne kjotíxoma xi kits'iì-nò k'e nga sa ítjòn k'e nga tisa kòkjeín-nò. Jè kjotíxoma jchínga jè, tijè-ne 'én xi kina'ya jñò nga tisa ítjòn. ⁸Tanga i'ndeí k'oaá s'ín tikjì-nò koni tsà jngod kjotíxoma xitse. Nga it'aà ts'e Cristo ki'ya-là nga xitse-né kò tikoáá tí'yaá-là xi it'aà tsajòn. Nga jyeé tífahato kjoa xi jñò choòn, kò jyeé tí'ya-là xi nguì kjoa iseèn-là Nainá.

⁹Tsà jngod̄ x̄ita k'oās'ín tít̄sò nga k'oāá s'ín tísíjchá yijo-lā koni s'ín t̄jín kjoā iseèn-lā Nainá, t̄anga tsà majtikeè xíkjín xi t̄ikoá it'aà ts'ē Cristo mokjeiín-lā, mìtsà kixī kjoā nga iseèn tísíjchá yijo-lā, takó yāá t̄jnjaiìn ñánda j̄ñò choòn. ¹⁰Jè x̄ita xi matsjakeè x̄ita xíkjín xi t̄ikoá it'aà ts'ē Cristo mokjeiín-lā, k'oāá s'ín tísíjchá yijo-lā koni s'ín t̄jín kjoā iseèn-lā Nainá. Jè x̄ita jè, mìtsà t̄i mé t̄jín-ne xi ma kohótsji jé-lā. ¹¹Tanga jè x̄ita xi majtikeè x̄ita xíkjín xi t̄ikoá it'aà ts'ē Cristo mokjeiín-lā, yāá t̄jna, kō yāá tsó'baya yā ndiyá ñánda j̄ñò choòn. Mikiī beè ñánda t̄ífi, ngā jè kjoā j̄ñò, bíchjoā xkon.

¹²J̄ñò xi ndí ixti 'mì-nò, t̄ikjiī-nò Xojoñ jè, ngā it'aà ts'ē Cristo-né ngā jye kisìjchàat'aà-nò Nainá j̄ñà jé xi t̄jín-nò. ¹³J̄ñò xi x̄ita jchínga 'mì-nò, t̄ikjiī-nò Xojoñ jè, ngā jyeé kiyaxkoòn jè Jesucristo xi t̄jna skanda t̄isa t̄ats'en-lā kjoā. J̄ñò ixti xi sa t̄itsanìjchá yijo-nò, t̄ikjiī-nò Xojoñ jè, ngā jyeé kinìkijne-là jè x̄ita neí. J̄ñò xi ndí ixti 'mì-nò, jyeé kiskiī-nò Xojoñ jè ngā jye kiyaxkoòn Nainá xi Na'èñ 'mì-laà.

¹⁴Jyeé kiskiī-nò xojoñ, j̄ñò xi x̄ita jchínga 'mì-nò, koí kjoa-lā ngā jyeé kiyaxkoòn Jesucristo xi t̄jna skanda t̄isa t̄ats'en-lā kjoā. T̄ikoáá jyeé kiskiī-nò j̄ñò ixti xi sa t̄itsanìjchá yijo-nò, koí kjoa-lā ngā t̄jín-nò nga'ñó kō jyeé yā t̄jnjaiìn inima-nò jè 'én-lā Nainá kō jyeé kinìkijne-là jè x̄ita neí.

¹⁵Kì j̄ñà matsjacha j̄ñà kjoā xi t̄jín isò'nde. Tsà yá x̄ita xi matsjakeè j̄ñà kjoā xi t̄jín isò'nde, mìtsà kixī kjoā nga matsjakeè Nainá xi Na'èñ 'mì-laà. ¹⁶Ngats'iì kjoā ch'o xi jè isò'nde bí't'aà-ná, mìtsà yā nchrobá-ne it'aà ts'ē Nainá xi Na'èñ 'mì-laà. T̄iyaá t̄isindaà-ne i isò'nde. J̄ñà kjoā ch'o koi, xi t̄jín isò'nde: j̄ñà-né kjoā ch'o xi s̄jé yijo-ná, kjoā xi tsejèn-lā xkoaán nga mején-ná tsaján koma, kō kjoā 'nga takòn xi ts'ē kjoā nchiná. ¹⁷Ngats'iì kjoā ch'o xi t̄jín isò'nde, kō kjoā xi yā fahajiìn-ná, jyeé t̄ifehet'aà, t̄anga jè x̄ita xi síkitasòn koni s'ín mejèn-lā Nainá, kíjnakon-né n̄itā kjé-ne.

Jè xi kjoā kixī kō kjoā ndiso

¹⁸J̄ñò xi ndí ixti xan-nò, jyeé t̄ifehet'aà nachrjein. Jyeé t̄íjiìn-nò nga kjoíī jngod̄ x̄ita xi nguì kondrā t̄jna-lā Cristo. Kō nachrjein i'ndeí jyeé 'ñó kjin ma-ne xi kondra nchifi-lā Cristo. K'oāá ma-ne nga k'oās'ín machiya-ná nga

jyeé tífehét'aà nàchrjein. ¹⁹Jñà xitá koi, tì íf itjokàjiiin-ná, tanga xi kjoa kixi, mìtsà nguì xitá tsaján ma; tsà kixí kjoa nga xitá tsaján, íf-là títsajnakò-ná. Tanga koií k'oas'ín itjokàjiiin-ná jñà xitá koi mé-ne nga ndaà kàta'ya-la nga ngats'iì xitá xi k'oas'ín kondra fì-la Cristo, mìtsà nguì xitá tsaján.

²⁰Jè Jesucristo, xi xitá tsjeè, jyeé kitsjaà-nò jè Inima Tsjeè-la Nainá; k'oaa ma-ne nga ngats'ioò jyeé ndaà tíjiiin-nò kós'ín tíjín xi kjoa kixi. ²¹K'oaa ma-ne nga k'oas'ín tikjii-nò xojon jè, nga jyeé ndaà tíjiiin-nò xi kjoa kixi; mìtsà koi-ne nga kj'èè tíjiiin-nò. Kò jyeé ndaà tíjiiin-nò nga nijngòò 'én ndiso xi ya nchrobát'aà-ne it'aà ts'e kjoa kixi.

²²¿Yá-ne xi xitá ndiso? Jè-né xi bí'ma nga tsò: “Jè Jesús mìtsà jè xi Cristo, [mìtsà Nainá kisikasén].” Jè xitá jè xi kondra fì-la Cristo nga jngòò k'a mìkii mokjeiín-la it'aà ts'e Nainá xi Na'èen-ná ma kò it'aà ts'e Jesucristo xi Ki'ndí-la Nainá ma. ²³Ngats'iì xitá xi jngòò k'a mìkii mokjeiín-la it'aà ts'e Ki'ndí-la Nainá, mìtsà Nainá xi Na'èen-ná ma tíjnakò. Tanga jè xitá xi mokjeiín-la tikoá tsjá 'én-la nga jè Jesús, jè xi Ki'ndí-la Nainá, yaá tíjnakò Nainá xi Na'èen-ná ma.

²⁴Koií k'oas'ín xan-nò, ndaá kàtasijiiin inima-nò jè 'én xi it'aà ts'e Cristo xi jye kina'ya nga tisa tàts'en-la kjoa. Tsà k'oas'ín ndaà sijiin inima-nò, tikoaa ndaá kitsajnakoo Nainá xi Na'èen-ná ma kò Ki'ndí-la. ²⁵Jesucristo k'oaa s'ín kitsjaà 'én-la nga tsjá-ná kjoabinachon xi mìkii fehet'aà nitá kjé-ne.

²⁶Koií xá tikjii-nò xojon jè mé-ne nga ma jchaxkon-nò jñà xi mejèn-la konachan-nò. ²⁷Tanga jñò, jyeé tíjiiin inima-nò jè Inima Tsjeè-la Nainá xi kitsjaà-nò Jesucristo. Mì tì kii mochjeén-ne tsà yá xi kòkòya-nò. Nga tíjè-ne Inima Tsjeè-la Nainá keènojmiya-nò kós'ín tíjín ngats'iì kjoa xi ndaà tíjín. Koni s'ín kòkòya-nò, 'én kixi-né, mìtsà 'én ndiso. K'oaa s'ín ndaà titsajnakoo kjit'aà Jesucristo, koni s'ín síkíchiya-nò Inima Tsjeè-la Nainá.

²⁸Jñò xi ndí ixti xan-nò, k'oaa s'ín ndaà titsajnakoo Cristo, mé-ne nga 'ñó tíjín-ne takoán kò mìkii kosobà-ná k'e nga jè xi kitjopen ijngòò k'a-ne ngajmii. ²⁹Koni s'ín jye tíjiiin-nò nga jè Cristo, xitá kixi-né nga nguixkon Nainá, k'oaa tís'ín ndaà kàtasijiiin-nò, nga ngats'iì xitá xi kjoa kixi s'ín nga nguixkon Nainá, ki'ndí-la Nainá-né.

Ixti-la Nainá

3 ¹Ndaà kàtasijiin-nò, 'nó ndaà matsjakeè-ná Nainá xi Na'èn-ná ma, k'oaá ma-ne nga ixti-la tsò-ná. Kò nguì kixí kjoa nga ixti-la Nainá 'mì-ná. K'oaá ma-ne nga jñà xitá isò'nde, mìkiì mokjeiín-la tsà ixti-la Nainá 'mì-ná, koií kjoa-la nga jñà xitá koi, mìkiì mokjeiín-la it'aà ts'e Nainá. ²Jñò ndí 'ndsè xi matsjakeè-nò, i'ndeì jyeé ki'ndí-la Nainá 'mì-ná. Tanga kj'eè tsà ndaà okó-ná Nainá kó kjoàn komaá nga koma iskan. Tanga jyeé tíjiin-ná nga k'oa tì kjoàn komaá koni kji jè Jesucristo k'e nga kijchò nachrjein nga jè xi kjoí iñgòd k'a-ne; nga k'oaá s'ín jchaxkoaán koni kji jè. ³Ngats'iì xitá xi k'oas'ín nchikoña nga k'oaá s'ín kjoàn koma koni kji jè Jesucristo, nachrjein nchijòn-né nga tsjeè nchisíjchá yijo-la koni s'ín nga xitá tsjeè jè Jesucristo.

⁴Ngats'iì xitá xi ótsji jé, kondraá fi-la kjotíxoma-la Nainá. K'e nga jé binchaàtsjiaá, jè kjotíxoma-la Nainá tìnáchrjenguaiaá. ⁵Jñò, jyeé tíjiin-nò nga jè Jesucristo koií xá j'iì-ne nga jè faáxìn-ná jñà jé xi tijn-ná. Kò 'ya-nò nga jè Jesucristo, nímé jé tshótsji. ⁶Ngats'iì xitá xi Cristo títsajnakò, mìtsà jé ótsji; tanga jñà xitá xi ótsji jé, kj'eè kii beèxkon kò tikoá mìkiì tíjiin-la yá-né xi 'mì Jesucristo. ⁷Jñò, xi ndí ixti-na xan-nò, kii kii biì'nde tsà yá xi skónachan-nò. Jè xitá xi kjoa kixi s'ín nga nguixkon Nainá, xitá kixi-né, koni xitá kixi jè Cristo. ⁸Tanga jè xitá xi kjit'aà nachrjein tíhótsji jé, ts'e xitá neií-né. Nga jè xitá neií, k'oaá s'ín tíhótsji jé skanda tisa tàts'en-la kjoa. Kò koií xá j'iì-ne Jesucristo xi Ki'ndí-la Nainá nga jè sikixòña jñà kjoa ch'o xi s'ín jè xitá neií.

⁹Ngats'iì xitá xi jye Nainá kisìkjatjìya-la nga ki'ndí-la Nainá ma, mìtsà tìya títsajnajìin-ne jé. Nga jyeé ya tijnajìin inìma-la jè Inìma Tsjeè-la Nainá. Kò mì tì kii ma kohótsji-jé-isa, nga jyeé ki'ndí-la Nainá-né. ¹⁰K'oaá s'ín ma-ne nga yaxkon-la yá-né xi ixti-la Nainá kò yá-né xi ixti-la xitá neií; ngats'iì xitá xi mìkiì síkitasòn kjoa kixi-la Nainá, tikoá mìkiì tsjakeè beè xitá xíkjin xi tikoá it'aà ts'e Cristo mokjeiín-la, mìtsà ki'ndí-la Nainá ma.

Ngàsòn ngáya tsjacha s'eén xinguiáá

¹¹Nga k'oaá s'ín tíchja jè 'én xi jye kina'yà k'e nga tisa kòkjeiín-nò nga sa ítjòn nga tsò: Ngàsòn ngáya tsjacha s'eén

xinguiáa. ¹² Mìkii k'oas'ín s'eén koni kis'iin jè xita xi ki'mì Caín nga jè xita neí kiit'aà-la nga kisik'en 'ndse. ¿Mé-ne kisik'en-ne 'ndse? Tà koií kjoa-la nga jè 'ndse, xita kixi-né nga nguixkon Nainá ko jè Caín ch'oó tjin kjoa xi s'ín.

¹³ K'oaá ma-ne k'oas'ín tixan-nò jñò ndí 'ndsè, kì maxkón-nò tsà sijnikeè-nò xita isò'nde xi mìkii mokjeiín-la 'én-la Nainá.

¹⁴ Jñá jyeé tjiin-ná nga jyeé itjokajñaá ya ndiyá kjoabiyaá xi ya tjaáyaá kjòtseé ko jyeé tjin-ná kjoabinachon xi mìkii fehet'aà nita kjé-ne. Nga jyeé k'oas'ín ndaà matsjachaá jñá xita xinguiáa xi tikoá it'aà ts'e Cristo mokjeiín-la. Jè xita xi mìkii matsjakeè xíkjin, ndiyá kjoabiyaá tsóhoya jè inima-la.

¹⁵ Ngats'iì xita xi majtikeè xita xíkjin, k'oaá s'ín ngaya-la koni tsà xita sík'en. Jñò, ndaá tjiin-nò, jè xita xi xita sík'en, mìtsà kjoabinachon xi mìkii fehet'aà tísjchájiiin yijo-la. ¹⁶ Jñá, k'oaá s'ín 'ya-ná mé xi 'mì kjòtsjacha k'e nga jè Jesucristo kitsjaá kjòtjò yijo-la nga k'en ngajo-ná. Jñá k'oaá tis'ín mochjeén nga s'eén it'aà ts'e xita xinguiáa koni kis'iin jè Cristo. ¹⁷ Tsà tjin jngod xita xi tjin-la tsojmì xi tímochjeén kjit'aà-la, tsà skoe jngod xita xíkjin xi tikoá it'aà ts'e Cristo mokjeiín-la nga tsjin-la tsojmì xi mochjeén-la, tsà mìkii ma-la nga kosiko jè xita xíkjin xi it'aà ts'e tsojmì xi tsjin-la, mìtsà kixi kjoa nga kjòtsjacha-la Nainá tijnajiin inima-la. ¹⁸ Jñò xi ndí ixti-na xan-nò, tìtsjacha xinguiòo, kì tà 'én nokjoà; ngui ndaá kàta'ya-la kós'ín matsjacha xinguiòo nga tìsikòd mé tsojmì xi mochjeén-la mé-ne nga kàta'ya-la nga kixií kjoa nga ndaà matsjacha xinguiòo.

'Nó tjin takoán nga nguixkon Nainá

¹⁹ K'e nga k'oas'ín titsa'né, k'eé jcha-ná nga kixií kjoa nga k'oaá s'ín tìtsanjchá yijo-ná koni s'ín tjin kjoa kixi-la Nainá ko 'nchán nikíjnaa inima-ná nga nguixkon Nainá. ²⁰ Nas'ín jè inima-ná jé tìbínè-ná, tanga jè Nainá, isaá ndaá tjiin-la mì k'oa-ne koni jè inima-ná. Nga jè Nainá isaá ndaá tsejèn yije-la ngats'iì kjoa xi titsa'né. ²¹ Jñò ndí 'ndsè xi matsjake-nò, tsà jè inima-ná mìtsà tì mé kjoa ch'o tìbínè-ná, 'nó tjin takoán nga nguixkon Nainá. ²² Tsà mé xi sijé-lá Nainá, maá-la tsjá yije-ná nita mé kjondaà-ne; nga nikitasoán kjotixoma-la, ko k'oaá s'ín 'né koni s'ín sasén-la Nainá. ²³ Jè kjotixoma-la Nainá, jé-né nga ndaá kàtakjeiín-ná it'aà ts'e Jesucristo xi Ki'ndí-la ma, tikoá ngásòn ngáya

kotsjachaá xinguiáá koni s'ín jye tsatíxoma-ná Cristo. ²⁴ Jè x̄ita xi s̄íkitasòn k̄jotíxoma-là Nainá, yáá t̄ijnako Nainá, k̄o jè Nainá yáá t̄ijnajìin in̄ima-là x̄ita jè. K'oaá ma-ne nga 'yaá nga Nainá yá t̄ijnako-ná, koi k̄joa-là nga jye kitsjaá-ná jè In̄ima Tsjeè-là.

Jñà x̄ita xi kondra fi-là Cristo

4 ¹ Jñò ndí 'ndsè xi 'ñó matsjake-nò, kì t̄axki mokjeíin-nò it'aà ts'e ngats'iì x̄ita xi tsò nga jè In̄ima Tsjeè-là Nainá s̄íkichiya-là 'én xi chjaya. Ítjòn chít'aà, a kixií k̄joa nga jè In̄ima Tsjeè-là Nainá t̄ísichiya-là 'én xi chja, a xi majìn-né. Nga jñà nachrjein xi t̄itsajnaá i'ndeí, t̄jín jchán x̄ita ndiso xi t̄jímason yá isò'nde xi tsò nga jè Nainá tsjá-là 'én xi nchibénojmíya. ² Jè x̄ita xi bénojmí nga jè Jesucristo, íf kits'iìn it'aà nangui, k̄o x̄itaá komà koni jñá, jè x̄ita xi k'oas'ín bénojmí, jè-né xi t̄jín-là In̄ima Tsjeè-là Nainá. K'oaá s'ín 'ya-nò yá x̄ita-ne xi jè In̄ima Tsjeè-là Nainá t̄ísichiya-là 'én xi t̄ichjaya. ³ Tanga jè x̄ita xi mikii k'oas'ín keénojmí nga jè Jesucristo íf kits'iìn it'aà nangui, k̄o x̄itaá komà koni jñá, jè x̄ita xi k'oas'ín tsò, tsjìn-là In̄ima Tsjeè-là Nainá. X̄ita jè, jè t̄ísíkjeén kjohítsjeèn-là x̄ita xi t̄jina ítjòn nga kondra fi-là Cristo. Jñò, jyeé kina'yà nga k̄joií-né jè xi kondra fi-là Cristo, k̄o nachrjein xi t̄itsajnaá i'ndeí jyeé k'oas'ín t̄ísíxá kjohítsjeèn-là.

⁴ Jñò xi ndí ixti-na xan-nò, jyeé x̄ita-là Nainá 'mì-nò; jñò, jyeé kinikijne-là jñà x̄ita xi k'oas'ín 'én ndiso chjaya; mì t̄i kii koma-ne nga jñà skónachan-nò, nga jè In̄ima Tsjeè-là Nainá xi t̄ijnajìin in̄ima-nò, isáá ts'e nga'ñó t̄jín-là mì k'oaá-ne koni jè kjohítsjeèn ts'e x̄ita neíí xi s̄ixájiìn in̄ima-là x̄ita xi mikii mokjeíin-là it'aà ts'e Cristo. ⁵ Jñà x̄ita koi, tà jñá t̄ítsajnakon-ne kjohítsjeèn xi t̄jín yá isò'nde; k'oaá ma-ne nga k'oas'ín chja k̄o jñà 'nchré-là x̄ita xi t̄ikoa kjohítsjeèn ts'e isò'nde s̄íkjeén. ⁶ Tanga ngajen, x̄ita-là Nainá-nájèn. K'oaá ma-ne nga jñà 'nchré-najen jñà x̄ita xi mokjeíin-là 'én-là Nainá. Tanga jñà xi mìtsà x̄ita-là Nainá ma, mìtsà ngajen s̄ís'in-najen. K'oaá ma-ne nga 'ya-là yá-né xi nguì jè In̄ima Tsjeè-là Nainá t̄ísíkichiya-là nga nguì k̄joa kixi k̄o yá-né xi in̄ima ndiso-là neíí t̄ikonachan-là.

Nainá, 'ñó t̄jín-là kjotsjacha

⁷ Jñò ndí 'ndsè xi 'ñó matsjake-nò, mochjeén-né nga ngásòn ngáya tsjacha jchaá xinguiáá, nga jè xi kjotsjacha, it'aà ts'e

Nainá nchrobá-ne. Ngats'iì x̄it̄a xi t̄jín-la kjòtsjacha, ki'ndí-la Nainá-né kò t̄ikoáá beè-né yá-né xi Nainá. ⁸Jè x̄it̄a xi mikii matsjakeè x̄it̄a x̄íkjín, kj'eè ki beè yá-né xi Nainá, nga jè Nainá kjòtsjacha-né. ⁹K'oaá s'ín tsakó-ná Nainá kjòtsjacha xi t̄jín-la xi it'aà tsaján nga kisikasén ki'ndí-la i isò'nde, jè ki'ndí-la xi ta jè ta jngod ma-ne, mé-ne nga it'aà ts'e ndaà kitsajnakoaán. ¹⁰K'oaá s'ín t̄jín kjòtsjacha xi tsakó Nainá xi it'aà tsaján: Mitsà koi-ne nga jñá ndaà matsjachaá Nainá. Jè Nainá xi 'ñó ndaà matsjakeè-ná. K'oaá ma-ne nga kisikasén ki'ndí-la nga k'en ngajo-ná, mé-ne s̄ijchàat'aà-ná jé-ná.

¹¹Jñò ndí 'ndsè xi matsjake-nó, tsà jè Nainá k'oas'ín 'ñó ndaà matsjakeè-ná, mochjeén-né nga k'oa t̄is'ín kòtsjachaá xinguiáá nga ìjngod jngoá. ¹²Ni saá jngod x̄it̄a xi xkon beè-ne Nainá, t̄anga tsà ndaà kòtsjachaá xinguiáá nga ìjngod jngoá, jè Nainá yaá t̄ijnajiin kjit'aà inima-ná kò it'aà tsaján-ná nga ndaà t̄íbitasòn yije kjòtsjacha-la Nainá. ¹³Nainá jyeé kitsjaà-ná Inima Tsjeè-la. K'oaá ma-ne nga jye 'yaá nga kjit'aà nachrjein ya t̄itsajnakoaá Nainá kò t̄ikoáá ya t̄ijnako-ná Nainá nga t̄ijnajiin inima-ná. ¹⁴Ngajen sobá ki'ya-jen kò 'bí-nájen 'én-nájen nga jè Nainá xi Na'èn 'mì-laà kisikasén Ki'ndí-la nga jè kochrjekàjiiin kjo'in xi kjoa ts'e jé-la ngats'iì x̄it̄a isò'nde. ¹⁵Ngats'iì x̄it̄a xi nguì kò inima-la tsjá 'én-la nga jè Jesús xi Ki'ndí-la Nainá, kjit'aà nachrjein ya t̄ijnako Nainá kò jè Nainá yaá t̄ijnajiin inima-la.

¹⁶Jyeé k'oas'ín ndaà 'yaá, kò t̄ikoá mokjeiín-ná, nga jè Nainá t̄jín-la kjòtsjacha xi it'aà tsaján. Nga jè Nainá kjòtsjacha-né. Kò jè x̄it̄a xi kjòtsjacha t̄ijnajiin kjit'aà ya inima-la, yaá t̄ijnako Nainá kò jè Nainá yaá t̄ijnajiin inima-la x̄it̄a jè. ¹⁷K'e nga it'aà tsaján k'oas'ín ndaà t̄íbitasòn yije kjòtsjacha-la Nainá, 'ñó t̄jín takoán nga mitsà t̄i mé tsakjoòn-ná jè nachrjein k'e nga s̄indaàjiiin-la x̄it̄a xi kjoa ts'e jé-la. Nga jñá, k'oaá s'ín ndaà t̄itsa'né i isò'nde koni s'ín kis'iin jè Jesucristo. ¹⁸Ya ñánda nga t̄jín xi kjòtsjacha, mitsà t̄i mé kjoskon t̄jín-ne. Nga jè xi nguì kjòtsjacha, faáxìn-né ngats'iì xi kjoskon 'mì. Jè x̄it̄a xi tsakjón, kjo'in-né xi tsakjón-la. Kò jè x̄it̄a xi tákó kjoskon t̄jiiin inima-la, koií-né nga kj'eè tsà ndaà t̄jiiin inima-la jè kjòtsjacha-la Nainá.

¹⁹Koií k'oas'ín matsjacha-ná Nainá, koií kjoa-la nga jè kjòtsjakeè ítjòn-ná. ²⁰Tsà t̄jín x̄it̄a xi tsò: "An, matsjake-ná

Nainá.” Tanga tsà majtikeè x̄it̄a x̄íkjín xi t̄ikoā it'aā ts'e Cristo mokjeiín-l̄a, jè x̄it̄a jè, x̄it̄a ndiso-né. Tsà mì k̄i matsjakeè x̄it̄a x̄íkjín xi x̄k̄on t̄íbeè-ne, ʒk̄ós'ín ma-ne k̄otsjakeè Nainá xi k'j'eè tsà x̄k̄on beè-ne? ²¹ Jè k̄jot̄ixoma xi kitsjaà-ná Jesucristo, k'oāá tsò: Jè xi matsjakeè Nainá, mochjeén-né nga t̄ikoā k̄atamatsjakeè x̄it̄a x̄íkjín xi t̄ikoā it'aā ts'e Cristo mokjeiín-l̄a.

Kós'ín koma sikijne-lá kjoa ts'e isò'nde

5 ¹ Jyeé ixti-l̄a Nainá-né ngats'iì x̄it̄a xi nguì k̄o inima-l̄a mokjeiín-l̄a nga jè Jesús, [jè-né xi Nainá kisikasén], jè-né xi Cristo. K̄o ngats'iì x̄it̄a xi tsjakeè xi na'èn t̄jna-l̄a, t̄jínè-l̄a nga t̄ikoā k̄otsjakeè ngats'iì ixti-l̄a na'èn-l̄a. ² K'e nga matsjachaá Nainá, k̄o t̄ikoā n̄ikitasoán k̄jot̄ixoma-l̄a, 'ya-ná nga t̄ikoā matsjachaá j̄nà xi ixti-l̄a Nainá ma. ³ K'oāá s'ín t̄jín tsà kixi kjoa nga matsjachaá Nainá, jè-né nga ndaà s̄ikitasoán k̄jot̄ixoma-l̄a. K̄o jè k̄jot̄ixoma-l̄a, mìtsà 'ñó 'in bitasòn. ⁴ Nga ngats'iì x̄it̄a xi ixti-l̄a Nainá ma, s̄ikijneé-l̄a ngats'iì kjoa ch'o xi t̄jín isò'nde. Koií ma n̄ikijne-lá kjoa xi t̄jín isò'nde nga mokjeiín-ná it'aā ts'e Cristo. ⁵ Niyá xi ma s̄ikijne-l̄a jè kjoa ch'o xi t̄jín isò'nde, tajngod-né jè x̄it̄a xi mokjeiín-l̄a it'aā ts'e Jesús, nga jè-né xi Ki'ndí-l̄a Nainá ma. Jè-né xi chíkjoa-l̄a nga s̄ikijne.

Jè xi tsjá kixi 'én it'aā ts'e Ki'ndí-l̄a Nainá

⁶ Jé-né Jesucristo xi j'iì i isò'nde. K̄o k'e nga j'iì, jè nandá k̄o jn̄i xi ndaà tsakó. K̄o mìtsà tà jè nandá xi tsakó, t̄ikoāá jè jn̄i. K̄o jè Inima Tsjeè-l̄a Nainá xi bénojmi kixi yá-ne xi jè. Nga jè Inima Tsjeè-l̄a Nainá, nguì kjoa kixi-né. ⁷ Jàn ma-ne xi nguì tsjá kixi 'én-l̄a xi it'aā ts'e kjoa koi: ⁸ jè Inima Tsjeè-l̄a Nainá, jè nandá, k̄o jè jn̄i. K̄o ngajàn koi, ngásòn tsò. ⁹ Tsà mokjeiín-ná j̄nà 'én xi tsjá x̄it̄a isò'nde, mochjeén-né nga isa ndaà kokjeiín-ná jè 'én xi jè sobà Nainá t̄itsjá. Nga jè 'én xi t̄itsjá, jè t̄ibénojmi, yá-ne xi Ki'ndí-l̄a Nainá. ¹⁰ Jè xi nguì k̄o inima-l̄a mokjeiín-l̄a it'aā ts'e Ki'ndí-l̄a Nainá, yaá t̄jiin inima-l̄a nga kixi kjoa jè 'én xi tsjá Nainá. Tanga jè xi mìkiì mokjeiín-l̄a it'aā ts'e Nainá, jè Nainá, ndiso t̄íhochrjengui, koií kjoa-l̄a nga mìkiì mokjeiín-l̄a 'én xi tsjá Nainá xi it'aā ts'e Ki'ndí-l̄a. ¹¹ Jè 'én xi kitsjaà Nainá, jè-né nga jè Nainá tsjá-ná kjoabinachon xi mì fehet'aā n̄it̄a kjé-ne. K̄o jè kjoabinachon

jè, yaá sakó-ná it'aà ts'e Ki'ndí-la. ¹² Jè xita xi Ki'ndí-la Nainá tijnajin inima-la, tjin-la kjoabinachon xi mikii fehet'aà nita kjé-ne; tanga jè xita xi mitsà Ki'ndí-la Nainá tijnajin inima-la, tsjin-la kjoabinachon.

'En xi fehet'aà-ne

¹³ Jñò xi mokjeín-nò it'aà ts'e Ki'ndí-la Nainá, koií xá tikjii-nò Xojon jè mé-ne nga ndaà katasijin-nò nga jyeé tjin-nò kjoabinachon xi mikii fehet'aà nita kjé-ne.

¹⁴ K'oaá ma-ne nga 'ñó tjin takoán k'e nga nokjoát'aà-lá Nainá. K'oaá s'ín ndaà kjinchré-ná tsà k'oas'ín sijét'aà-lá koni s'ín sasén-la jè. ¹⁵ Tsà jye k'oas'ín tjiin-ná nga Nainá 'nchré-ná k'e nga tsà mé xi nijé-laá, tikoáá jyeé 'yaá nga tik'eé-ne nga nijé-laá tsjá-ná mé xi nijé-laá.

¹⁶ Tsà yá xita xi skoe jngod xita xikjin xi tikoá it'aà ts'e Cristo mokjeín-la nga ya tikajin jñà jé xi mitsà kjoabiyaá fiko-ná, maá katitsi'batji, ko jè Nainá tsjá-la kjoabinachon jè xita xi tihótsji jé. Tanga tà jñá-né xi koxan-la nga ma sitsi'batji jñà xita xi mitsà nguì kjoabiyaá kjit'aà-la jñà jé xi nchihótsji. Nga tjin jé xi kjoabiyaá fiko-ná, ko k'oaá xan nga mitsà mochjeén nga sitsi'batji jè xita xi kotjin jé xi tihótsji. ¹⁷ Tanga ngats'ii kjoa ch'o xi s'ín xita, nguì jé-né nga nguixkon Nainá. Tanga tjin-né jñà jé xi mitsà kjoabiyaá fiko-ná.

¹⁸ Jyeé tjiin-ná nga jñà xi ixti-la Nainá ma, mitsà tiya titsajnajin-ne jé, nga jè Jesús xi Ki'ndí-la Nainá ma, tís'ín kinda, ko jè xita neíí, mì ti kiì mé xi ch'o síko-ne.

¹⁹ Jyeé 'ya-ná nga ixti-la Nainá 'mì-ná; tanga jñà xita xi mikii mokjeín-la it'aà ts'e Cristo xi tjin nga títsa isò'nde, jè xita neíí tihótixoma-la.

²⁰ Tikoáá 'ya-ná nga koií xá j'ii-ne jè Ki'ndí-la Nainá i it'aà nangui nga jè ndaà kisikichiya-ná mé-ne nga ma yaxkoaán xi nguì jè sobà Nainá. Ko yaá titsajnaoá jè xi nguì jè sobà Nainá koií kjoa-la nga ya titsajnaoá Jesucristo xi Ki'ndí-la ma, xi tijé sobà-ne Nainá ko xi ma-la tsjá-ná kjoabinachon xi mikii fehet'aà nita kjé-ne. ²¹ Jñò xi ndí ixti-na xan-nò, kì jñà onguítjngui-là jñà nainá xi beèxkón xita xi mitsà kixi kjoa nga Nainá.